



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Corrado Et Petro quondam filiis Malabrancae.

urn:nbn:de:hbz:466:1-20006

CORRADO ET PETRO
quondam filii Malabranca.

Epiſt. 325.
Puella ante an-
num septimum
ſponsalia con-
traire non po-
tuit.
Cap. Ad diſſol-
vend. De deſ-
poſatione in-
pudicacum.

Ad diſſolvendum quod factum fue-
rat inter Iohannem filium nobi-
lis viri Leonis de Monumento & S. fi-
liam quondam Matthæi de Fortebrachio
super matrimonio contrahendo, in no-
stra & fratum nostrorum praesentia fuit
ex parte vestræ propositum, quod cùm
dicta puella nondum ad septennium per-
venisset, cum ipſa nec matrimonium
contrahi nec sponsalia potuere. De-
fuit etiam consanguineorum assensus,
qui præcipue sunt in talibus requirendi.
Quod & si ætas sufficiens extitisset, &
consanguineorum intervenisset assen-
sus, persona tamen non sunt legitimæ ad
matrimonium contrahendum, linea con-
ſanguinitatis obſtant. Accusatione ve-
rò super consanguinitate proposita, &
tam ex parte juvens quam ex parte puel-
lae consanguinitatis gradibus computa-
tis, cùm eam velleſis idoneis testibus
comprobare, prefatus Leo multas exce-
ptiones proposuit, per quas nitebatur
vos ab accusatione multipliciter remo-
vere. Cùmque super exceptionibus ip-
ſis foſſer utrinque diutiū disceptatum,
auditis & intellectis quæcunque fuerunt
hinc inde proposita, de consilio fratrum
nostrorum interloquendo pronuntiavim-
us inter dictos juvenem & pueram nec
matrimonium nec sponsalia fuiffe con-
trafacta, cùm conſteret pueram nondum
ad septennium pervenisse. Quocirca nec
accusatio locum habebat, cùm non effet
quod posset legitimè accusari; denun-
tiari tamen poterat consanguinitas, ut
interdiceretur matrimonium contrahē-
dum. Ad denuntiationem ergo legitimè
comprobandum festum omnium sancto-
rum proximò venturum pro termino af-
ſignamus; salvis exceptionibus non ſo-
lum propositis, sed etiam proponendis.
Ne verò quicquam interim in pueram
* carnaliter attentetur, auctoritate apo-
ſtol. firmiter interdicimus ut in ipso ne-
gotio de novo non procedatur ulterius,
donec vel à denuntiatione cefſetur, vel
denuntiatione probata, ordine judicia-
rio procedatur. Quod si contra interdi-
ctum nostrum in prejudicium ipsius
quicquam fuerit attentatum, illud irri-
tum eſſe decernimus, & viribus omnino
carere.

* Hoc vox deſp
in Tertia Colle-
gione, refit.

FAVENTIN. EPISCOPO.

Sur quod Deus coniunxit, homo
non separat. Duplex est autem conju-
nctio conjugalis, una secundum carnem,
quæ carnalis dicitur. altera secundum
spiritum, quæ spiritualis non incongruē
appellatur. Vtramque designat Aposto-
lus: qui verbum illud exponens, *Propter*
hoc relinqet homo patrem & matrem, &
adhæret uxori ſuæ, & erunt duo in carne
una, consequenter adjunxit, Hoc autem
dico magnum sacramentum in Christo & in
Ecclesiæ. Nam carnalis coniunctio, quæ
est inter virum & legitimam feminam,
sacramentum est spiritualis coniunctio-
nis quæ conficitur inter Christum & san-
ctam Ecclesiæ. Coniunctio carnalis hoc
efficit ut sint duo in una carne, ſecun-
dum illud quod Veritas ait: *Itaque jam*
non sunt duo, ſed una caro. Coniunctio ve-
rò spiritualis id efficit ut ſint duo in uno
ſpiritu, ſecundum illud quod dicit Apo-
ſtolas: *Qui adhæret Deo, unus ſpiritus eſt*
cum eo. Vtrique autem, carnali ſcilicet
& spirituali coniunctioni, competit quod
ſuperius eſt præmissum: *Quod Deus con-*
junxit, homo non separat: ut nec liceat
homini carnali matrimonio legitimè co-
pulatos dividere, nec spirituali conjugio
canonice viñtos, ut Episcopum & ſuam
Ecclesiæ, separare. Licet autem videri
poſſet ex his quod Summus Pontifex
spirituale matrimonium, Episcopi ſcili-
cer & Ecclesiæ, separare non poſſit, cùm
tamen ex conſuetudine, quæ eſt optima
legumi interpres, & ſacris canonibus ha-
beatur quod per cessionem, depositio-
nem, & translationem, quæ ſoli ſunt ſe-
di apost. reservata, ſuper hoc plenam ha-
beat potestatem, ſanè intelligentibus
id, nullum dubitationis ſcrupulum gene-
rabit, cùm non humana ſed divina fiat
auctoritate quod in hac parte per Sum-
mum Pontificem adimpletur, qui nō ho-
minis puri, ſed veri Dei verè Vicarius ap-
pellatur. Nam quamvis ſimus Apoſtolo-
rum principis ſuccelfores, non tamen
ejus aut alicuius Apoſtoli vel hominis ſed
ipſius ſumus Vicarij Iefu Christi. Vnde
quos Deus spirituali coniunctione ligavit,
non homo, quia non Vicarius homini-
nis, ſed Deus, quia Dei Vicarius, ſepa-
rat, cùm Epifcopos à ſuis fedibus per eo-
rum cessionem, depositionem, & trans-
lationem aliquando removemus. Quæ

Epiſt. 326.
Licentiam in-
dulget trāſeſum-
di ad Ecclesiæ
Papienſem.

Z iii